

Visi zamjenik visokog predstavnika, Matthias Sonn, sastao se sa Klubom srpskih delegata u Domu naroda BiH

Visi zamjenik visokog predstavnika, Matthias Sonn, sastao se danas sa četiri člana Kluba srpskih delegata u Domu naroda BiH Momčilom Novakovićem, Nikolom Spiricom, Dragutinom Ilicem i Dragutinom Rodićem kako bi razgovarali o njihovom radu u Domu naroda.

U zadnjih nekoliko mjeseci Klub srpskih delegata u Domu naroda stopirao je usvajanje Zakona o udruženjima i zakladama, Zakona o vanjskotrgovinskoj komori BiH, Zakona o sportu, Zakona o praznicima i Zakona o izmjenama i dopunama Zakona o Vijeću ministara, uz objašnjenje da su ti zakoni “neustavni”.

Međutim, na konferenciji za štampu održanoj prošle sedmice, članovi Kluba srpskih delegata okrivili su poslanike u Parlamentu iz reda ostala dva konstitutivna naroda za tesku situaciju u kojoj se Dom naroda nalazi, ustvrdivši da se oni zalazu za usvajanje “neustavnih” nacrtu zakonu.

Ambasador Sonn dao je do znanja srpskim delegatima da on ne može prihvatiti “neustavnost” zakonu kao izgovor za njihovo neusvajanje, s obzirom na činjenicu da su u parlamentarne procedure ugrađeni mehanizmi za ocjenu ustavnosti zakonu, kao što su ustavne i pravne komisije. Ambasador Sonn je rekao da ovi poslanici koriste argumenat neustavnosti na neodgovarajući način. Srpski delegati uzvratili su na to rekavši da je, naprimjer, predloženo ukidanje rotacije na funkciji predsjedavajućeg Vijeća ministara neustavno. Međutim, stoji činjenica da Ustav ne navodi princip rotacije kad je riječ o Vijeću ministara.

Visi zamjenik visokog predstavnika napomenuo je da će Zakon o zaštiti potrošača, Zakon o industrijskom vlasništvu i Zakon o autorskom pravu uskoro biti na dnevnom redu Doma naroda. Usvajanje ta tri zakona jeste jedan od uslova "Smjernica" /Road Map/ Evropske unije. Ambasador Sonn istakao je da je ispunjenje uslova postavljenih u "Smjernicama" Evropske unije od velikoga značaja jer bi se time uspostavile čvrste veze između Evropske unije i BiH, što bi bilo od velike ekonomske koristi bosanskohercegovačkim entitetima. Entiteti mogu opstati samo ukoliko je i sama država jaka, rekao je ambasador, dodavši da je integracija u Evropu odgovor na mizernu lošu ekonomsku situaciju u kojoj se bosanskohercegovački građani nalaze.

Ambasador Sonn apelirao je na Klub srpskih delegata da maksimalno saradjuju na usvajanju kako tri pomenuta zakona tako i na onima koje tek treba usvojiti, napomenuvši kako se zadaci koje je postavilo Vijeće za implementaciju mira moraju ispuniti od strane zakonodavnih tijela, kako se ne bi ugrozila podrška međunarodne zajednice Bosni i Hercegovini kao i njenim entitetima.